

Na osnovu člana 2.2, 2.3, 2.12 i 2.15 Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22 i 51/22, 67/22), člana 7. Uputstva o utvrđivanju kvalifikacija, broju, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj: 67/21, 73/21 i 13/22), člana 9. Privremene statutarne odluke Grada Srebrenik („Službeni glasnik Grada Srebrenik“, broj: 1/19 i 5/20) i Odluke o objavljivanju javnog oglasa za imenovanje jednog člana Gradske izborne komisije Srebrenik, na prijedlog Komisije za izbor i imenovanja, Gradsko vijeće Srebrenik **o b j a v l j u j e**:

J A V N I O G L A S

za imenovanje predsjednika i tri člana Gradske izborne komisije Srebrenik

Objavljuje se Javni oglas za imenovanje predsjednika i tri člana Gradske izborne komisije Srebrenik.

Uslovi koje kandidati za predsjednika i člana Gradske izborne komisije moraju ispunjavati:

I OPĆI USLOVI (propisani članom 2.2 Izbornog zakona BiH):

1. predsjednik i član izborne komisije je lice sa pravom glasa i
2. predsjednik i član izborne komisije je lice sa odgovarajućom stručnom spremom i iskustvom u provođenju izbora.

II POSEBNI USLOVI

Pored općih uslova propisanih članom 2.2 Izbornog zakona BiH, predsjednik i član Gradske izborne komisije mora ispunjavati i posebne uslove:

- a) da ima prebivalište na području Grada Srebrenik,
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i
- c) da posjeduje iskustvo o provođenju izbora.

III ISKUSTVO

Pod iskustvom o provedenju izbora podrazumijeva se:

- a) članstvo u izbornoj komisiji i
- b) članstvo u biračkom odboru na izborima obuhvaćenim Izbornim zakonom BiH.

IV IZUZECI

Izuzetno od tačke II b) ovog Oglasa, predsjednik i član izborne komisije može biti lice koje ima završenu višu školu, odnosno VI stepen stručne spreme, ukoliko je potrebno ispoštovati odredbe člana 2.14 stav (1) Izbornog zakona BiH (zastupljenost konstitutivnih naroda i polna zastupljenost).

V ČLANSTVO U IZBORNOJ KOMISIJI

- A. Predsjednik i član Izborne komisije može biti predsjednik ili sudija redovnog suda, sekretar općinskog vijeća, odnosno skupštine općine i skupštine grada, odnosno gradskog vijeća, lica profesionalno zaposlena u općinskim organima uprave (gradskim) i druga lica, ako ispunjavaju uslove određene članom 2.2 Izbornog zakona BiH, a nemaju smetnji iz člana 2.3 Izbornog zakona BiH (član 4. stav (1) pomenutog Uputstva).
- B. Za predsjednika i člana Izborne komisije **ne može biti imenovano lice** (član 2.3 Izbornog zakona BiH i član 4. stav (2) pomenutog Uputstva):
1. koje se ne može kandidirati u smislu odredbi člana 1.6, 1.7 i 1.7a) Izbornog zakona BiH,
 2. koje je član najvišeg izvršno-političkog organa, političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora),
 3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH,
 4. koje je kandidat za izbore za bilo koji nivo vlasti,
 5. kojem je izrečena kazna za radnju koja predstavlja težu povredu Izbornog zakona i propisa za koje je lično odgovorno u posljednje 4 godine računajući od dana pravosnažnosti odluke i
 6. koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, niti lice koje je aktuelni kandidat ili je bilo kandidat za bilo koji nivo vlasti na posljednjim općim i/ili posljednjim lokalnim izborima.

VI SASTAV KOMISIJE

Sastav izborne komisije treba biti multietničan tako da odražava zastupljenost konstitutivnih naroda, uključujući i ostale, vodeći računa o posljednjem popisu stanovništva provedenom na državnom nivou (član 2.14 stav (1) Izbornog zakona BiH).

VII TRAJANJE MANDATA

Mandat predsjednika i člana/članova izborne komisije traje 7 (sedam) godina i teče od dana davanja saglasnosti Centralne izborne komisije BiH na rješenje Gradskog vijeća o imenovanju člana/članova izborne komisije po ovom Javnom oglasu.

VIII INTERVJU I KRITERIJI ZA BODOVANJE KANDIDATA

Konkursna komisija sa kandidatima koji ispunjavaju uslove tražene javnim oglasom obavlja intervju – postavlja ukupno tri pitanja iz različitih oblasti i ocjenjuje sva tri odgovora dodjelom bodova od 1 do 5, u skladu sa članom 10. stav (5) i (6) Uputstva navedenog u preambuli ovog oglasa (Prilog - Tabela 2 Uputstva).

Lista pitanja (bez odgovora) iz četiri različite oblasti za intervju sa kandidatima, koju je sačinila Centralna Izborna komisija BiH, objavljena je na službenoj internet stranici Centralne izborne komisije BiH.

Po završetku intervjuja, na osnovu dostavljene dokumentacije uz prijavu na ovaj Oglas, vrši se bodovanje kandidata prema sljedećim kriterijima:

- a) Stručna sprema:

- visoka stručna sprema – 5 bodova,
- viša stručna sprema – 3 boda,

Ukoliko su kandidati pravni stručnjaci sa iskustvom u provedbi izbora i/ili izborni stručnjaci dodatno se boduju i to:

- naučno zvanje doktora iz oblasti prava ili iz oblasti izbora – 3 boda,
- naučno zvanje magistra iz oblasti prava ili iz oblasti izbora – 2 boda,
- kandidat nosilac pravosudne funkcije – 3 boda,
- kandidat sa položenim pravosudnim ispitom – 2 boda i
- kandidat koji je prisustvovao obukama u organizaciji CIK-a BiH – 1 bod.

a) Izborna iskustvo:

- predsjednik izborne komisije – 4 boda,
- član izborne komisije – 3 boda,
- sekretar izborne komisije – 2 boda,
- zamjenski član izborne komisije – 2 boda,
- predsjednik biračkog odbora – 2 boda i
- član/zamjenik člana biračkog odbora – 1 bod.

IX POTREBNA DOKUMENTACIJA

- prijava na javni oglas (sa adresom i kontakt telefonom),
- ovjerena fotokopija lične karte,
- dokaz o stručnoj spremi kandidata odnosno ovjerena fotokopija diplome o završenom stepenu i vrsti stručne spreme,
- dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvu obukama u organizaciji CIK-a BiH za kandidate - učesnike Oglasa koji su pravni stručnjaci sa iskustvom u provedbi izbora i/ili izborni stručnjaci, ukoliko kandidat ima pravo na dodatno bodovanje (član 10. stav (7) Uputstva),
- dokaz o izbornom iskustvu kandidata u smislu člana 2. stav (2) tačka a) i b) pomenutog Uputstva, koji dokaz o izbornom iskustvu kandidata u smislu člana 2. stav (2) tačka a) i b) Uputstva mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je kandidat bio član biračkog odbora, te podatak da je bio angažovan u radu biračkog odbora i obavljao tu dužnost,
- obrazac PBA-3 o prebivalištu, ne stariji od 3 mjeseca od dana izdavanja (izdat od strane CIPS-a),
- izjava o nacionalnom izjašnjenju kandidata – imenovanog člana izborne komisije sa posljednjeg popisa stanovništva u Bosni i Hercegovini, svojeručno potpisana i ovjerena kod nadležnog organa (član 13. stav (1) tačka g) navedenog Uputstva) i
- ovjerena i svojeručno potpisana izjava kandidata pred nadležnim organom da nije obuhvaćen odredbama člana 2.3 Izbornog zakona BiH (Prilog 5 Uputstva).

X ROK ZA PODNOŠENJE PRIJAVA

Rok za podnošenje prijave na javni oglas je 8 (osam) dana od dana objavljivanja na web stranici Grada Srebrenik - www.srebrenik.ba.

XI NAPOMENE

Po zatvaranju Javnog oglasa, Konkursna komisija iz člana 10. Odluke o objavljivanju Javnog oglasa za imenovanje predsjednika i tri člana Gradske izborne komisije Srebrenik podnosi pisani izvještaj Gradskom vijeću, u kojem izvještaju se navode relevantni podaci za svako lice koje se prijavilo na Javni oglas.

U izvještaju iz prethodnog stava, Konkursna komisija će izvršiti klasifikaciju kandidata na one koje ispunjavaju uslove tražene Javnim oglasom i na one koje ne ispunjavaju uslove.

Sa kandidatima koji ispunjavaju uslove Javnog oglasa, nakon obavljenog intervjua, Konkursna komisija sačinjava rang listu sa redoslijedom kandidata prema uspjehu postignutom na intervjuu i izvršenom bodovanju, u skladu sa pomenutim Uputstvom, te istu dostavlja Gradskom vijeću na razmatranje.

Gradsko vijeće Srebrenik, cijenjeći položaj kandidata na rang listi, donosi rješenje o imenovanju predsjednika i članova Izborne komisije i dostavlja ga Centralnoj izbornoj komisiji na saglasnost.

Nepotpune i neblagovremene prijave neće biti uzete u razmatranje.

Prijave za ovaj Javni oglas sa potrebnim dokazima o ispunjavanju uslova dostaviti putem Stručne Službe Gradskog vijeća ili preporučenom poštom na adresu u zatvorenim kovertama:

GRADSKO VIJEĆE SREBRENİK

Stručna služba Gradskog vijeća

Konkursna komisija za izbor predsjednika i tri člana Gradske izborne komisije

Ul. Varoških polja bb

75350 Srebrenik

Sa naznakom **“Javni oglas za imenovanje predsjednika i tri člana Gradske izborne komisije -ne otvaraj“**

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD SREBRENİK
GRADSKO VIJEĆE

PREDSJEDAVAJUĆI VIJEĆA
Mato Matijević

Broj: 01-04-278/23
Srebrenik, 24.05.2023. godine